




Minggu, 10 Juli 2022

Ogen: Esekiel 42:15-20




Mpeserap Si Badia Ras Si La Badia



Alu pembuangan Tuhan memurnikan kiniteken bangsa Israel. Seh me paksana maka Tuhan mbebaskenca i bas pembuangan nari. Proses Tuhan memulihkan bangsaNa, eme alu nuruhsa mbangun ngulahi Rumah Pertoton. Ija kerina ukurena alu tepat enggo isingetkenna arah nabi Esekiel. Janah ibahanNa pe i bas rancangan pembangunen rumah pertoton e kerna pembatas guna mpeserap si Badia ras si la Badia. Ertina alu pembatas e ngatakenca maka kenca iulihkan i bas pembuangan nari, bangsa e arus tuhu-tuhu njagai dirina.

Engkai maka perlu kel kita njagai dirinta arah hal-hal si la badia erkiteken, erpalasken I Korinti 15:33, *pertemanen si la mehuli ncedai biak si mehuli*. La kin mehuli adi ipersada nakan si nggo mali ras nakan si mejile, bagem istilahna. Sebab nakan si mali, bali me ras biak si la mehuli enggo lit ragina ije. Janah kai gia si rembak ku je, la banci la kenan *ragi* janah ncedai i bas biak si mehuli e. Tuhan alu sengaja ningetken si e man imam-imam i bas rumah pertoton maka ia pe, lit ruang si badia, si la banci sembarangen kalak bengket ku je. Ertina selaku pemimpin gelah jadi ikuten man jelma sienteren payola lagu langkahna. Sebab adi payo ia, pang ia nuriken kebenaran kerna kebadian Tuhan. Tuhan e badia, labo banci si la badia rembak ras ia. Adi rembak ateta ras Tuhan, pindolah janah tutuslah atena nggeluh bas kebadian. Nggit ngikuti geluh badia bagi siperentahkan Dibata erbahanca kebadian e jadi kap man banta. Silahkan persadan kalak percian, ula cubaken rembak ras si la malang man Tuhan. Nggeluhlah ras ersadalah ras kalak si perayakenna em si ngena ate Tuhan. Si Badia mabai kita ndatken kegeluhen si ermalem ate, tapi si la badia erbahanca kita ndele gedang-gedang wari. Emaka ngeluhlah bas kebadian, malanglah man Tuhan.

 Badialah kam, sebab AKU Tuhan pe Badia.